

Broj: 02-05-8721-12/13  
Sarajevo, 16.04.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **18. sjednici održanoj 16.04.2013. godine**, donijela je sljedeći

## ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec mart 2013. godine.
2. Informacija iz tačke 1. ovog Zaključka dostavlja se Skupštini Kantona Sarajevo, **informativno.**

**P R E M I J E R**

**Suad Zeljković**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



**Bosna i Hercegovina  
Federacija Bosne i Hercegovine  
KANTON SARAJEVO  
V L A D A**

**Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
S A R A J E V O**

**INFORMACIJA  
O STANJU KRIMINALITET, JAVNOG REDA I MIRA I SIGURNOSTI SAOBRAĆAJA NA  
PODRUČJU KANTONA SARAJEVO ZA MJESEC MART 2013. GODINE**

# 1. KRIMINALITET

## 1.1. OSNOVNI STATISTIČKI POKAZATELJI KRIMINALITETA

U mjesecu martu 2013. godine<sup>1</sup>, na području Kantona Sarajevo registrovano je 521 krivično djelo<sup>2</sup> što je za 39 ili 7% manje u odnosu na isti mjesec prethodne godine (tabela 1,2,3).

Od ukupnog broja registrovanih krivičnih djela, 338 ili 64,9% izvršeno je od strane nepoznatih, a 183 ili 35,1% od strane poznatih izvršilaca (tabela 1).

Od ukupnog broja krivičnih djela prijavljenih po nepoznatom izvršiocu, za 152 djela<sup>3</sup> ili 45% naknadno je identifikovan osumnjičeni izvršilac, od čega je 81 krivično djelo iz izvještajnog, a 71 je iz ranijeg perioda (tabela 1).

Iz naprijed navedenog proizilazi da su službenici Uprave policije MUP-a KS u mjesecu martu 2013. godine za ukupno 335 krivičnih djela ili 64,3%, identifikovali osumnjičene izvršioce, što je za 0,5% manje u odnosu na isti mjesec prethodne godine (tabela 3).

(tabela 1.) Osnovni statistički pokazatelji stanja kriminaliteta u mjesecu martu 2013. godine

Broj KD			Broj KD za koja su naknadno identifikovani osumnjičeni izvršioци		Broj prijavljenih lica			Lišeno slobode
Ukupno	od toga		Ukupno	od toga iz ranijeg perioda	Ukupno	od toga		
	po poznatom izvršiocu	po NN izvršiocu				maloljetnici	povratnici	
521	183	338	152	71	295	27	198	129

Zbog postojanja osnova sumnje da su počinili krivična djela prijavljeno je 295 lica (isti broj), od čega je 198 povratnika (13 manje) u izvršenju krivičnih djela (ili 67,1%), 27 maloljetnika (tri više), a 129 lica je lišeno slobode (sedam više). (tabela 1).

(tabela 2.) Pregled kriminaliteta na području Kantona Sarajevo u mjesecu martu 2013/12. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	mart 2013.	mart 2012.	uporedba		rasvj. mart 2013.	
			+/-	%	broj kd	%
ŽIVOTA I TIJELA	20	19	1	5,3%	20	100%
SLOBODE I PRAVA ČOVJEKA I GRAĐANINA	20	15	5	33,3%	19	95%

<sup>1</sup> Shodno depeši FUP-a broj 10-442 od 26.03.2013. godine, statistički izvještaji za mjesec mart su zaključeni sa 28.martom 2013. godine.

<sup>2</sup> U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 35 obavijesti (129 više) o događajima u kojima je pričinjena neznatna materijalna šteta.

<sup>3</sup> Struktura krivičnih djela za koja su naknadno identifikovani osumnjičeni izvršioци:  
teška krađa – 98 djela, krađa – 16, razbojništvo – 12, teška krađa u pokušaju, nasilničko ponašanje i ugrožavanje sigurnosti – po pet, prijevera i prikriivanje – po dva, lahka tjelesna ozljeda, razbojnička krađa, razbojništvo u pokušaju, oštećenje tuđe stvari, napad na službenu osobu u vršenju poslova sigurnosti, uništenje ili oštećenje važnih privrednih objekata ili javnih naprava i skidanje ili povreda službenog pečata ili znaka - po jedno djelo.

SPOLNE SLOBODE I MORALA	0	1	-1	----	0	---
BRAKA, PORODICE I MLADEŽI	23	24	-1	-4,2%	23	100%
ZDRAVLJA LJUDI	21	21	0	isto	21	100%
IMOVINE	364	405	-41	-10,1%	187	51,4%
OKOLIŠA	1	2	-1	-50%	1	100%
OPĆE SIGURNOSTI LJUDI I IMOVINE	12	12	0	isto	8	66,7%
SIGURNOSTI JAVNOG PROMETA	10	8	2	25%	8	80%
PRAVOSUDA	3	2	1	50%	3	100%
JAVNOG REDA I PRAVNOG PROMETA	28	38	-10	-26,3%	26	92,9%
PODMIČIVANJA I KD PROTIV SLUŽBENE I DRUGE ODGOVORNE FUNKCIJE	4	2	2	100%	4	100%
ZONDINOIM-a (Sl.novine Kantona Sarajevo br.38/07)	15	11	4	36,4%	15	100%
<b>UKUPNO</b>	<b>521</b>	<b>560</b>	<b>-39</b>	<b>-7%</b>	<b>335</b>	<b>64,3%</b>

U mjesecu martu 2013. godine u odnosu na isti mjesec prethodne, zabilježeno je smanjenje broja registrovanih krivičnih djela za 39 ili 7%, a najznačajnije u oblasti protiv imovine (za 41 djelo) i javnog reda i pravnog prometa (za 10 djela), dok je povećanje evidentirano u oblastima protiv slobode i prava čovjeka i građanina (za pet), djela regulisanih ZONDINOM-om (za četiri), sigurnosti javnog prometa (za dva), itd. (tabela 2).

(tabela 3.) Pregled prijavljenih i „rasvjetljenih“ krivičnih djela u mjesecu martu 2013/12. godine po policijskim upravama

MJESEC	ORG. JEDINICA	MUP KS u sjed.	I PU	II PU	III PU	IV PU	V PU	ukupno
<b>MART 2013. GODINE</b>	<b>BROJ KRIVIČNIH DJELA</b>	<b>30</b>	<b>121</b>	<b>145</b>	<b>88</b>	<b>97</b>	<b>40</b>	<b>521</b>
	<b>BROJ „RASVIJETLJENIH“ KRIVIČNIH DJELA</b>	<b>25</b>	<b>77</b>	<b>76</b>	<b>65</b>	<b>62</b>	<b>30</b>	<b>335</b>
	<b>PROCENAT „RASVIJETLJENOSTI“ KRIVIČNIH DJELA</b>	<b>83,3%</b>	<b>63,6%</b>	<b>52,4%</b>	<b>73,9%</b>	<b>63,9%</b>	<b>75%</b>	<b>64,3%</b>
mart 2012. godine	BROJ KRIVIČNIH DJELA	31	172	101	99	120	37	560
	BROJ „RASVIJETLJENIH“ KRIVIČNIH DJELA	26	98	53	72	89	25	363
	PROCENAT	83,9%	57%	52,5%	72,7%	74,2%	67,6%	64,8%
uporedba mart 2013/12.	+ / - KD	-1	-51	44	-11	-23	3	-39
	+ / - „RASVIJETLJENO“ KD	-1	-21	23	-7	-27	5	-28
	+/- % „RASVIJETLJENOSTI“	-0,6%	6,6%	-0,1%	1,2%	-10,3%	7,4%	-0,5%

(tabela 4.) Pregled registrovanih krivičnih djela na području Kantona Sarajevo u mjesecu martu 2013. godine

ČLAN	KZ	UKUPNO	KD <sup>4</sup>	NN	NI
			521	338	152
166/28	FBiH	UBISTVO U POKUŠAJU	<b>4</b>	0	0
172	FBiH	TEŠKA TJELESNA OZLJEDA	<b>12</b>	0	0
173	FBiH	LAHKA TJELESNA OZLJEDA	<b>3</b>	1	1

<sup>4</sup> KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioци

174	FBiH	UČESTVOVANJE U TUČI	1	0	0
183	FBiH	UGROŽAVANJE SIGURNOSTI	19	6	5
184	FBiH	NARUŠAVANJE NEPOVREDIVOSTI DOMA	1	0	0
222	FBiH	NASILJE U PORODICI	23	0	0
238	FBiH	NEOVLAŠCENA PROIZVODNJA I STAVLJANJE U PROMET OPOJNIH DROGA	3	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	18	0	0
286	FBiH	KRAĐA	63	58	16
286/28	FBiH	KRAĐA U POKUŠAJU	1	0	0
287	FBiH	TEŠKA KRAĐA st 1.tačka a)	204	191	90
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	18	16	8
287/28	FBiH	TEŠKA KRAĐA U POKUŠAJU	7	5	5
288	FBiH	RAZBOJNIČKA KRAĐA	0	0	1
289	FBiH	RAZBOJNIŠTVO	41	36	12
289/28	FBiH	RAZBOJNIŠTVO U POKUŠAJU	1	1	1
289/33	FBiH	RAZBOJNIŠTVO U POMAGANJU	1	0	0
290	FBiH	UTAJA	6	0	0
293	FBiH	OŠTEĆENJE TUĐE STVARI	15	2	1
294	FBiH	PRIJEVARA	5	4	2
300	FBiH	PRIKRIVANJE	2	2	2
315	FBiH	PUSTOŠENJE ŠUMA	1	0	0
323	FBiH	IZAZIVANJE OPĆE OPASNOSTI	11	4	0
324	FBiH	UNIŠTENJE ILI OŠTEĆENJE VAŽNIH PRIVREDNIH OBJEKATA ILI JAVNIH NAPRAVA	1	1	1
332	FBiH	UGROŽAVANJE JAVNOG PROMETA	2	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	7	1	0
337	FBiH	NEUKAZIVANJE POMOĆI OSOBI OZLIJĐENOJ U PROMETNOJ NEZGODI	1	1	0
347	FBiH	LAŽNO PRIJAVLJIVANJE	2	0	0
351	FBiH	NEIZVRŠENJE SUDSKE ODLUKE	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	5	1	1
362	FBiH	NASILNIČKO PONAŠANJE	14	7	5
366	FBiH	SKIDANJE ILI POVREDA SLUŽBENOG PEČATA ILI ZNAKA	2	1	1
370	FBiH	SAMOVLAŠĆE	2	0	0
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA	1	0	0
373	FBiH	KRIVOTVORENJE ISPRAVE	3	0	0
375	FBiH	OVJERAVANJE NEISTINITOG SADRŽAJA	1	0	0
380	FBiH	PRIMANJE DARA I DRUGIH OBLIKA KORISTI	1	0	0
380/33	FBiH	PRIMANJE DARA I DRUGIH OBLIKA KORISTI U POMAGANJU	1	0	0
383	FBiH	ZLOUPOTREBA POLOŽAJA ILI OVLAŠĆENJA	2	0	0
ZON.	ZON.	ZONDINOM (Sl. novine Kantona Sarajevo br.38/07)	15	0	0

## 1.2. PREGLED KRIVIČNIH DJELA PO OBLASTIMA

### 1.2.1. KRIVIČNA DJELA PROTIV ŽIVOTA I TIJELA

U ovoj oblasti evidentirano je 20 krivičnih djela (jedno više u odnosu na isti mjesec 2012. godine), i to: ubistvo u pokušaju – četiri djela (tri više), teška tjelesna ozljeda – 12 (jedno više), lahka tjelesna ozljeda – tri (tri manje) i učestvovanje u tuči – jedno djelo (isti broj djela).

Za sva djela iz ove oblasti identifikovani su osumnjičeni izvršioc, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 33 lica, a 13 je lišeno slobode.

- Dana, 25.02.2013. godine, oko 20,30 sati, u stanu u ulici Isaka Samokovlije, općina Novo Sarajevo, G. Milana (1985) je u nervnom rastrojstvu pokušala rukama ugušiti mlđb A.S.(2008). Zbog postojanja osnova sumnje da je počinila krivično djelo iz člana 166. u vezi sa članom 28. KZ FBiH-a (ubistvo u pokušaju) nadležnom tužilaštvu podnesen je službeni izvještaj.

- Dana, 08.03.2013. godine, oko 20,30 sati na raskrsnici ulica Bulevar branilaca Dobrinje – Plavi put, općina Novi Grad, O. Smail (1994) je nakon kraće verbalne prepirke upotrebom noža nanio teške tjelesne ozljede opasne po život Gutović Borisu (1988). Zbog postojanja osnova sumnje da je počinio krivično djelo **iz člana 166. u vezi sa članom 28. KZ FBiH-a (ubistvo u pokušaju)** imenovani je lišen slobode i uz službeni izvještaj predat nadležnom tužilaštvu.
- Dana, 09.03.2013. godine, oko 17,50 sati u pasažu stambene zgrade u ulici Zagrebačka, općina Novo Sarajevo, mlđb Š. R. (1997) je nakon kraće verbalne prepirke upotrebom noža nanio teške tjelesne ozljede opasne po život mlđb H. K. (1997). Zbog postojanja osnova sumnje da je počinio krivično djelo **iz člana 166. u vezi sa članom 28. KZ FBiH-a (ubistvo u pokušaju)** imenovani je lišen slobode i uz službeni izvještaj predat nadležnom tužilaštvu.
- Dana, 19.03.2013. godine, u poslijepodnevnom satima u automobilu parkiranom pored korita rijeke Željeznice, u naselju Sokolovići, općina Ilidža, H. Semir (1986) je nakon kraće prepirke upotrebom noža nanio teške tjelesne ozljede opasne po život bivšoj djevojci Musić Adelisi (1994). Zbog postojanja osnova sumnje da je počinio krivično djelo **iz člana 166. u vezi sa članom 28. KZ FBiH-a (ubistvo u pokušaju)** imenovani je lišen slobode i uz službeni izvještaj predat nadležnom tužilaštvu.

#### 1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 20 krivičnih djela (pet više) - ugrožavanje sigurnosti – 19 i narušavanje nepovredivosti doma – jedno djelo, za čije je izvršenje prijavljeno 21 lice, a tri su lišena slobode.

Krivična djela ugrožavanja sigurnosti evidentirana su na području sljedećih općina: Novo Sarajevo – deset, Ilidža – četiri, Hadžići – dva, Stari Grad, Novi Grad i Vogošća – po jedno djelo, a počinjena su upućivanjem verbalnih prijetnji, pisanih poruka i sl., bez težih posljedica po oštećene.

#### 1.2.3. KRIVIČNA DJELA PROTIV BRAKA, PORODICE I MLADEŽI

U ovoj oblasti evidentirana su 23 djela (jedno manje) i to: nasilje u porodici, za čije izvršenje su prijavljena 23 lica, a 15 je lišeno slobode.

Krivična djela nasilje u porodici evidentirana su na području općina: Novo Sarajevo i Novi Grad – po šest, Centar – četiri, Ilidža i Hadžići – po dva, Stari Grad, Vogošća i Ilijaš - po jedno.

#### 1.2.4. KRIVIČNA DJELA PROTIV ZDRAVLJA LJUDI

U mjesecu martu ove godine prijavljeno je 21 krivično djelo iz oblasti protiv zdravlja ljudi (isti broj) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 18 djela.

Zbog postojanja osnova sumnje da su počinili navedena djela podneseni su službeni izvještaji protiv 21 lica, a 11 je lišeno slobode.

- U ovom mjesecu, policijski službenici Uprave policije su Kantonalnom tužilaštvu Sarajevo podnijeli službene izvještaje protiv S. Muamera (1984), Z. Almira (1976) i M. Aldijane (1987) zbog postojanja osnova sumnje da su počinili krivično djelo **iz člana 238. KZ FBiH-a (neovlašćene proizvodnje i stavljanja u promet opojnih droga)**, te protiv 18 lica zbog postojanja osnova sumnje da su počinili krivično djelo **iz člana 239. KZ FBiH-a (posjedovanje i omogućavanje uživanja opojnih droga)**.

(Tabela 5.) Tabela prikaz oduzete količine opojnih droga

VRSTA OPOJNE DROGE	mart 2013. godine	mart 2012. godine
Marihuana (u gramima)	---	11.620,00
Marihuana (paketići)	6	90
Marihuana (JOINT - cigarete)	---	6
Heroin (paketići)	15	7
Heroin (u gramima)	30	1.581,00
Amfetamin (paketići)	2	6
Amfetamin (u gramima)	---	27
NN (tablete)	---	72
Metadon solucija (bočica)	1	---
pribor sa ostacima droge	3	8

Podneseno je 10 zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled 12 lica, tri stambena objekta i automobila po usmenim naredbama Opštinskog suda u Sarajevu.

#### 1.2.6. KRIVIČNA DJELA PROTIV IMOVINE

U ovom mjesecu, registrovana su 364 krivična djela protiv imovine, što je za 41 djelo ili 10,1% manje u odnosu na isti mjesec prošle godine. Među djelima iz ove oblasti najbrojnije su: teške krađe – 222 djela (27 manje), zatim krađe – 63 (tri više), razbojništvo – 41 (19 manje), oštećenje tuđe stvari – 15 (isti broj), prijevarena – pet (jedno više), prikrivanje – dva (tri manje), itd. Za ukupno 187 ovih djela ili 51,4% identifikovan je osumnjičeni izvršilac (0,9% manje).

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 88 puta (jedno više), zatim stambeni objekti – 78 (20 manje), poslovni objekti – 47 (isto), itd.

Takođe, u mjesecu martu ove godine izvršena su 43 krivična djela teških krađa motornih vozila od čega je 16 ili 37,2% pronađeno i vraćeno vlasnicima (od strane policije MUP-a KS vraćena su četiri vozila, MUP RS-a – tri, drugih MUP-ova – jedno, vlasnici su sami pronašli – sedam i jedno vozilo je vraćeno uz novčanu nadoknadu).

Broj teških krađa motornih vozila, smanjen je za 17 ili 28,3%. (tabela 7.)

(Tabela 6.) Tabela prikaz broja otuđenih i vraćenih putničkih motornih vozila na području Kantona Sarajevo po policijskim upravama u mjesecu martu 2013. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih pmv	6	15	12	7	3	43
broj vraćenih pmv	1	4	6	3	2	16
% vraćenih pmv	16,7%	26,7%	50%	42,9%	66,7%	37,2%

Policijски službenici su tokom mjeseca marta, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv šest lica.

(Tabela 7.) Pregled broja otuđenih motornih vozila na području Kantona Sarajevo po policijskim upravama u mjesecu martu 2013/12. godine

POLICIJSKA UPRAVA	I PU	II	III PU	IV PU	V PU	UKUPNO

<b>broj otuđenih vozila–mart 2013.g</b>		<b>6</b>	<b>15</b>	<b>12</b>	<b>7</b>	<b>3</b>	<b>43</b>
broj otuđenih vozila–mart 2012. g.		23	12	14	8	3	60
uporedba mart 2013/12. godina	+, -	-17	3	-2	-1	0	-17
	%	-73,9%	25%	-14,3%	-12,5%	isto	-28,3%

Prijavljena su 63 krivična djela krađe (tri više), koja su izvršena 15 puta u poslovne prostorije (dva manje), 14 puta u stambene objekte (jedan manje), 15 puta u vozilima i na stajalištima GRAS-a (deset više), osam puta na ulici (dva manje), itd., odakle su otuđivani novčanici, tehnička roba, prehrambeni proizvodi, garderoba, itd.

Registровано je 41 krivično djelo razbojništva (19 manje), od čega je za 17 ili 45% identifikovan osumnjičeni izvršilac (5% manje). Ova djela evidentirana su na području slijedećih općina: Novo Sarajevo – 23 (pet manje), Centar – osam (sedam manje), Novi Grad – pet (jedno manje), Stari Grad – četiri (jedno više) i Ilidža – jedno (pet manje).

Razbojništva su izvršena prijetnjom upotrebe vatrenog oružja i ručne bombe - 21 put, prijetnjom upotrebe noža ili drugog oštrog predmeta - 12 i upotrebom fizičke snage – osam puta, a počinjena su u prodavnicama – 18 puta, na ulici -12, u vozilima GRAS-a – četiri, u sportskim kladionicama i na benzinskim pumpama – po dva, itd. Otudivan je novac, mobiteli, tašne, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 16 lica (od čega je 12 povratnika ili 75%), a sedam je lišeno slobode.

Evidentirano je 18 krivičnih djela teških krađa na naročito opasan ili naročito drzak način (22 manje), u kojima su izvršioc, upotrebom fizičke snage – 10 puta, te verbalnom prijetnjom u osam slučajeva, otimali nakit, novac, cigarete i mobitele. Ova djela izvršena su na otvorenom prostoru – (ulica, park, GRAS-ova stajališta i sl.) – 12 puta, u haustoru – četiri, u kući i u sportskoj kladionici – po jednom.

Za ukupno 10 ovih krivičnih djela identifikovani su osumnjičeni izvršioc ili 55,6% što je za 4,4% manje. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv osam lica (od čega je pet povratnika ili 62,5%), a tri su lišena slobode.

#### 1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 12 djela (isti broj) i to: - izazivanje opće opasnosti – 11 i uništenje ili oštećenje važnih privrednih objekata ili javnih naprava - jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 11 lica, a četiri su lišena slobode.

- Krivična djela izazivanja opće opasnosti izvršena su 10 puta na otvorenom prostoru i jednom u prodavnici. U sedam navrata je pucano iz vatrenog oružja i u četiri slučaja je otvorenim plamenom izazvan požar. Posljedica izvršenja navedenih djela je ranjavanje dva lica i nastala materijalna šteta.

#### 1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 28 krivičnih djela (deset manje), od čega se najveći broj odnosi na nasilničko ponašanje – 14 djela, napad na službenu osobu u vršenju poslova sigurnosti – pet, krivotvorenje isprave – tri, samovlašće – dva, itd. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 42 lica, a



16 je lišeno slobode.

### 1.3. KRIVIČNA DJELA POČINJENA OD STRANE MALOLJETNIH IZVRŠILACA


U toku mjeseca marta 2013. godine **prijavljeno je 27 maloljetnika** zbog osnova sumnje da su **izvršili 27 krivičnih djela**. U poređenju sa istim mjesecom 2012. godine, broj krivičnih djela za čije izvršenje su prijavljena maloljetna lica smanjen je za devet ili 25%, dok je broj prijavljenih maloljetnih učinilaca krivičnih djela povećan za tri ili 12,3%.

Pregled broja maloljetnih izvršilaca krivičnih djela za mjesec mart 2013. godine prema starosnoj strukturi

Starosna dob maloljetnika	do 14 godina	od 14 do 16 god.	od 16 do 18 god.	ukupno
Broj maloljetnih izvršilaca	1	12	14	27

Među maloljetnim učiniocima krivičnih djela, 14 je u dobi od 16 do 18 godina, 12 je u dobi od 14 do 16 godina, a jedan je u dobi do 14 godina. Povratnika u izvršenju krivičnih djela je 12 (ili 44,4%).

Grafički prikaz broja krivičnih djela izvršenih od strane maloljetnih izvršilaca u toku mjeseca marta 2013. godine, po policijskim upravama



**Najveći broj krivičnih djela odnosi se na teške krađe (9).** Jedno maloljetno lice prijavljeno je za izvršenje krivičnog djela ubistvo u pokušaju, devet maloljetnika prijavljeno za izvršenje tri krivična djela nanošenja teške tjelesne povrede, tri su prijavljena za dva djela nasilničkog ponašanja, a jedan zbog krivičnog djela napad na policijskog službenika.

Pregled registrovanih krivičnih djela izvršenih od strane maloljetnih lica-mjesec mart 2013/2012. godine

Naziv krivičnog djela	Mart 2013.	Mart 2012.	Uporedba
Ubistvo - pokušaj	1	0	+1
Teška tjelesna povreda	3	2	+1 ili 50%
Lahka tjelesna povreda	0	1	-1 ili -100%

<i>Ugrožavanje sigurnosti</i>	<b>2</b>	<b>0</b>	+2
<i>Posjedov. i omoguć. uživanja opoj. droga</i>	<b>0</b>	<b>2</b>	-2 ili -100%
<i>Krađa</i>	<b>3</b>	<b>2</b>	+1 ili 50%
<i>Teška krađa</i>	<b>9</b>	<b>15</b>	-6 ili -40%
<i>Teška krađa-pokušaj</i>	<b>0</b>	<b>1</b>	-1 ili -100%
<i>“Drška “ krađa</i>	<b>3</b>	<b>3</b>	0
<i>Razbojništvo</i>	<b>2</b>	<b>4</b>	-2 ili -50%
<i>Utaja</i>	<b>1</b>	<b>0</b>	+1
<i>Oštećenje tuđe stvari</i>	<b>0</b>	<b>1</b>	-1 ili -100%
<i>Prikrivanje</i>	<b>0</b>	<b>1</b>	-1 ili -100%
<i>Napad na službenu osobu</i>	<b>1</b>	<b>0</b>	+1
<i>Nasilničko ponašanje</i>	<b>2</b>	<b>3</b>	-1 ili -33,3%
<i>Nedozvoljeno držanje oružja i eksp. materija</i>	<b>0</b>	<b>1</b>	-1 ili -100%
<i>ukupno</i>	<b>27</b>	<b>36</b>	<b>-9 ili -25%</b>

#### 1.4. OSTALA PROTIVPRAVNA I ASOCIJALNA PONAŠANJA

##### 1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca marta 2013. godine na području Kantona Sarajevo registrovan je jedan slučaj aktiviranja minsko-eksplozivne naprave (isto kao i u mjesecu martu 2012. godine). Napravu je pronašao maloljetnik u krugu bivše kasarne Žunovnica, općina Hadžići, koja mu je eksplodirala u ruci, usljed čega je zadobio povredu prsta.

U proteklom mjesecu ove godine nisu registrovane anonimne dojave o postavljenim eksplozivnim napravama (u martu 2012. godine dvije).

##### 1.4.2. POŽARI

Tokom mjeseca marta 2013. godine, na području Kantona Sarajevo registrovano je devet požara (11 manje), koji su za posljedicu imali materijalnu štetu.

Požari su registrovani na području općina: Centar, Novi Grad i Ilidža – po dva, Stari Grad, Novo Sarajevo i Vogošća – po jedan požar.

Prema statističkim pokazateljima, šest požara je izazvano namjerno, dva zbog tehničkih nedostataka, dok uzrok jednog požara spada u kategoriju ostalih.

Zbog izazivanja požara nadležnom tužilaštvu su podnesena četiri službena izvještaja iz člana 323 KZ FBiH (izazivanje opće opasnosti).

##### 1.4.3. OSTALE AKTIVNOSTI

U mjesecu martu ove godine, policijski službenici su u sklopu operativnih aktivnosti izvršili pretres 251 lica, 21 stana, izvršili utvrđivanje identiteta za 85 lica i lišili slobode sedam lica za kojima je bila raspisana potjernica. Takođe, pružene su 24 asistencije i to na zahtjev državnih organa 23, a po zahtjevu organa i organizacija javnih ovlaštenja – jedna asistencija.

U cilju dokumentovanja krivičnih djela i identifikacije izvršilaca, izvršena su 273 uviđaja, pronađeno i obrađeno 489 tragova, u 254 slučaja fotografisano je lice mjesta, 13 puta je skicirano, izvršena 134 vještačenja i daktiloskopirana 34 lica.

U okviru potražne djelatnosti raspisano je 19 potjernica od strane sudova Kantona Sarajevo, a 20 je obustavljeno. Takođe, zaprimljeno je 11 prijava o nestalim licima, a 12 je obustavljeno.

Za potrebe tužilaštva i drugih nadležnih organa izvršeno je 4.656 provjera iz evidencija, na zahtjev građana izdata 343 uvjerenja o njihovoj osuđivanosti ili neosuđivanosti, izvršeno 29 brisanja osuda iz evidencija u nadležnosti Ministarstva, otvorena 103 nova dosja i evidentirano 468 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

#### 1.4.4. SAMOUBISTVA

U mjesecu martu 2013. godine na području Kantona Sarajevo registrovano je jedno samoubistvo (pet manje) i to na području općine Novo Sarajevo, koje je izvršeno presijecanjem vena. Počinilac je muškarac u dobi od 24 godine.

## 2. JAVNI RED I MIR

Policijски službenici MUP-a Kantona Sarajevo su u toku mjeseca marta 2013. godine, protiv učinilaca prekršaja kojima se narušava javni red i mir podnijeli ukupno 410 prekršajnih naloga i zahtjeva za pokretanje prekršajnog postupka (naloga -302, zahtjeva-108), što u odnosu na mjesec mart 2012. godine predstavlja smanjenje za 47 ili 10,3%.

Prekršajne sankcije preduzete su protiv 432 lica, što u odnosu na isti mjesec 2012. godine predstavlja smanjenje za 69 ili 13,8%. Prema starosnoj strukturi učinilaca prekršaja, najbrojniji su oni preko 36 godina (203), zatim između 26 i 35 godina (116) i između 19 i 25 godina (98), dok je maloljetnih izvršilaca bilo 15. Među učiniocima prekršaja iz oblasti javnog reda i mira, 42 su povratnika u izvršenju ovih prekršaja.

Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira - 359 (ili 87,6%), dok je zbog prekršaja utvrđenih Odlukom općinskih vijeća o javnom redu i miru podnesen 51 nalog i zahtjev (ili 12,4%).


Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2012. godine), dok je lakše povrijeđeno 36 lica (tri ili 9% više).

Grafički prikaz broja prekršajnih sankcija podnesenih u toku mjeseca marta 2013./2012. godine, po policijskim upravama (i Jedinica za saobraćaj)

Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (211 ili 51,5% od ukupnog broja), a zatim Druge (83 ili 20,2%),

Treće (55 ili 13,4%), Pete (32 ili 7,8%), te Četvrte policijske uprave (24 ili 5,9%), Službenici Jedinice za saobraćaj MUP-a Kantona Sarajevo uručili su pet prekršajnih naloga (ili 1,2%).

Grafički prikaz broja prekršajnih sankcija u toku mjeseca marta 2013./2012. godine, po policijskim stanicama



**Povećanje broja prekršajnih sankcija**, u odnosu na mjesec mart 2012. godine, imale su policijske stanice:

- Ilijaš (za sedam ili 100%).
- Vogošća (za pet ili 38,5%) i
- Policijsko odjeljenje Trnovo (za jedan).

**Smanjenje broja prekršajnih sankcija** imale su policijske stanice:

- Centar (za 27 ili 22,5%);
- Hadžići (za 14 ili 66,7%);
- Ilidža (za osam ili 33,3%);
- Novo Sarajevo (za pet ili 5,7%)
- Novi Grad (za dva ili 3,5%) i
- Stari Grad (za dva ili 1,7%)

Jedinica za saobraćaj imala je takođe smanjenje broja prekršajnih sankcija (za dva ili 28,6%).

Tabelarni pregled strukture prekršaja iz oblasti javnog reda i mira za mjesec mart 2013./2012. godina

PREKRŠAJI IZ ZAKONA O JRIM:	MART 2013.	MART 2012.	UPOREDBA
<i>-Tuče</i>	58	72	-14 ili -19,4%
<i>-Naročito drsko ponašanje</i>	49	60	-11 ili -18,3%
<i>-Odbijanje naređenja i omalovaž. pol. služb.</i>	28	31	-3 ili -9,7%
<i>-Prosjačenje</i>	<b>166</b>	<b>173</b>	-7 ili -4%
<i>-Svađa, vika, nepristojno ponašanje</i>	6	18	-12 ili -66,7%
<i>-Ostali prekršaji iz Zakona o JRiM</i>	52	66	-14 ili -21,2%
Prekršaji prema Odluci općinskog vijeća o JRiM	51	37	+14 ili 37,8%
ukupno	410	457	-47 ili -10,3%

Prema strukturi prekršaja za koje su podneseni nalozi i zahtjevi, **najbrojniji su prekršaji učinjeni**

**prosjačenjem** (166 ili 40,5%), zatim tučama (58 ili 14,1%), te naročito drskim ponašanjem (49 ili 12%), a zbog prekršaja učinjenih odbijanjem naređenja i omalovažavanjem policijskih službenika uručeno je 28 prekršajnih naloga (ili 6,8%). Zbog prekršaja učinjenih svađom, vikom i nepristojnim ponašanjem uručeno je šest prekršajnih naloga (ili 1,5%), a zbog svih ostalih prekršaja uručena/podnesena su 52 naloga i zahtjeva (ili 12,7%). Zbog prekršaja koji su utvrđeni Odlukom općinskih vijeća o JRiM uručen je 51 prekršajni nalog (ili 12,4%).

U odnosu na isti mjesec 2012. godine, u proteklom mjesecu **povećan** je samo broj prekršajnih sankcija zbog prekršaja koji su utvrđeni Odlukom općinskih vijeća o javnom redu i miru, dok je u svim ostalim slučajevima taj broj smanjen.

Najveći broj prekršajnih naloga i zahtjeva za pokretanje prekršajnog postupka iz oblasti javnog reda i mira podnesen je zbog prekršaja izvršenih na **ulici i na drugim otvorenim prostorima (332 ili 81%)**. Znatno manje prekršaja za koje su uručeni/podneseni nalozi i zahtjevi učinjeno je u **ugostiteljskim objektima** (38 ili 9,3%), u **trgovinskim radnjama** (sedam), **školama i školskim dvorištima** (dva), **vozilima javnog saobraćaja** (dva) **sportskim terenima** (jedan), i na **ostalim mjestima** (28).

Tabelarni pregled broja podnesenih naloga i zahtjeva u mjesecu martu 2013/2012. godine, prema mjestu izvršenja

MJESTO IZVRŠENJA	MART 2013.	MART 2012.	UPOREDBA
Ugostiteljski objekti	38	25	+13 ili 52%
Ulice i drugi otvoreni prostori	<b>332</b>	<b>374</b>	-42 ili -11,2%
Vozila javnog saobraćaja	2	2	0
Sportski stadioni i dvorane	1	9	-8 ili -88,9%
Škole i školska dvorišta	2	5	-3 ili -60%
Trgovine i zanatske radnje	7	4	+3 ili 75%
Ostala mjesta	28	38	-10 ili -26,3%
UKUPNO	410	457	-47 ili -10,3%

U odnosu na isti mjesec 2012. godine, u proteklom mjesecu povećan je samo broj prekršaja izvršenih u ugostiteljskim objektima, te trgovinskim i zanatskim radnjama.

Kada su u pitanju krivična djela izvršena u školama i školskim dvorištima, u mjesecu martu ove godine podneseno je sedam službenih izvještaja (u istom mjesecu 2012. godine jedan) zbog sljedećih krivičnih djela (od kojih su tri izvršena u novembru 2012. godine, tri u februaru i jedno u martu 2013. godine): teška tjelesna povreda – dva djela, lahka tjelesna povreda, nasilničko ponašanje, teška krađa, krađa i ugrožavanje sigurnosti.

Policijski službenici su u toku mjeseca marta 2013. godine bili angažovani na osiguranju brojnih javnih skupova koji su održani na području Kantona Sarajevo i tim povodom preduzimane su odgovarajuće planske aktivnosti na njihovom bezbjednom odvijanju, tako da su javna okupljanja u većini slučajeva protekla bez narušavanja javnog reda i mira. Policijski službenici bili su angažovani na osiguranju 139 javnih skupova (53 manje u odnosu na isti mjesec 2012. godine), a u 30 slučajeva (tri više) izvršeno je KDZ osiguranje ovih skupova.

U proteklom mjesecu došlo je do narušavanja javnog reda i mira u većem obimu tučom navijača FK „Željezničar“ nakon završetka utakmice na Grbavici. Policijski službenici su, u pokušaju razdvajanja

učesnika u tuči, napadnuti od strane navijača koji su bacali kamenje u njihovom pravcu, kojom prilikom je lakše povrijeđeno 19 policijskih službenika i dva navijača FK „Željezničar“, a oštećeno je i šest putničkih vozila parkiranih u blizini mjesta događaja.

U toku mjeseca marta 2013. godine, policijski službenici bili su angažovani na osiguranju dva protestna okupljanja (protesti vojnih penzionera i poljoprivrednika).

### 3. SAOBRAĆAJ

Tokom mjeseca marta 2013. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda i nezgoda sa materijalnom štetom, dok je smanjen broj nezgoda sa nastradalim licima i broj nastradalih lica.

Evidentirano je 776 saobraćajnih nezgoda (četiri ili 0,5 % više), 717 sa materijalnom štetom (10 ili 1,4 % više) i 59 sa nastradalim licima (šest ili 9,2 % manje).

U naselju je registrovano 748 saobraćajnih nezgoda (jedna sa poginulim, 52 sa povrijeđenim licima i 695 sa materijalnom štetom), van naselja 28 nezgoda (šest sa povrijeđenim licima i 22 sa materijalnom štetom).

Evidentirana je 141 saobraćajna nezgoda na raskrsnicama u naselju, 48 na pješačkom prelazu, dvije na nadvožnjaku, jedna na raskrsnici van naselja i 584 saobraćajne nezgode čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo za mjesec mart 2013/2012. godina

	mart 2013	mart 2012	+, -, %
UKUPNO SAOBRAĆAJNIH NEZGODA	776	772	+ 4 ili 0,5 %
Saobraćajne nezgode sa nastradalim licima	59	65	- 6 ili 9,2 %
Saobraćajne nezgode sa materijalnom štetom	717	707	+ 10 ili 1,4%
POGINULO LICA	1	2	- 1 ili 50 %
- vozači	0	0	-----
-putnici	0	0	-----
- pješaci	1	2	- 1 ili 50 %
POVRIJEĐENO LICA	76	85	- 9 ili 10,6 %
- vozači	33	35	- 2 ili 5,7 %
- putnici	23	24	- 1 ili 4,2 %
- pješaci	20	26	- 6 ili 23,1 %

Najveći broj saobraćajnih nezgoda evidentiran je na području općina: Centar (192) i Novi grad (159). Najveće povećanje broja saobraćajnih nezgoda registrovano je na području općine Hadžići (za 25 ili 178,6 %), a smanjenje na području općine Novo Sarajevo (za 18 ili 11,2 %).

Tabelarni pregled broja saobraćajnih nezgoda po općinama za mjesec mart 2013/2012. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2013	66	192	142	159	112	39	6	37	23	776

2012	76	187	160	162	104	14	5	42	22	772
±, %, %	-10 ili 13,1 %	+ 5 ili 2,7 %	- 18 ili 11,2 %	- 3 ili 1,8 %	+ 8 ili 7,7 %	+ 25 ili 178,6 %	+ 1 ili 20 %	- 5 ili 11,9 %	+ 1 ili 4,5 %	+ 4 ili 0,5 %

### 3.1. POSLJEDICE SAOBRAĆAJNIH NEZGODA

Tokom mjeseca marta 2013. godine, u saobraćajnim nezgodama na području Kantona Sarajevo 77 lica je nastradalo (10 ili 11,5 % manje). Jedno lice je poginulo<sup>5</sup> (jedan ili 50 % manje), dok je 76 lica povrijeđeno (devet ili 10,6 % manje), četiri teže i 72 lakše.

Među povrijeđenim licima evidentirana su:

- 33 vozača (dva manje)
- 23 putnika (jedan manje)
- 20 pješaka (šest manje).

Tabelarni pregled nastradalih lica u saobraćajnim nezgodama po kategoriji učesnika  
za mjesec mart 2013/2012. godina

	POGINULO			TEŠKO POVRIJEĐENO			LAKŠE POVRIJEĐENO		
	mart 2013	mart 2012	±, %, %	mart 2013	mart 2012	±, %, %	mart 2013	mart 2012	±, %, %
VOZAČI	0	0	-----	2	1	+ 1 ili 100 %	31	34	- 3 ili 8,8 %
PUTNICI	0	0	-----	1	2	- 1 ili 50 %	22	22	isto
PJEŠACI	1	2	- 1 ili 50 %	1	5	- 4 ili 80 %	19	21	- 2 ili 9,5 %
UKUPNO	1	2	- 1 ili 50 %	4	8	- 4 ili 50 %	72	77	- 5 ili 6,5 %

Kada je u pitanju stepen povreda, dva vozača su teže, a 31 lakše povrijeđen, jedan putnik je teže, a 22 lakše povrijeđena, dok je jedan pješak teže i 19 lakše povrijeđeno.

Najveći broj povrijeđenih lica registrovan je na području općina: Ilidža – 19 (jedno teže i 18 lakše) i Centar – 14 (dva teže i 12 lakše).

Posljedice saobraćajnih nezgoda po policijskim upravama/stanicama za mjesec mart 2013/2012. godine

policijska uprava	policijska stanica/ odjeljenje	broj poginulih lica			broj teže povrijeđenih lica			broj lakše povrijeđenih lica		
		mart 2013	mart 2012	uporedba	mart 2013	mart 2012	uporedba	mart 2013	mart 2012	uporedba
I PU	Stari grad	0	0	-----	0	4	- 4	2	11	- 9 ili 81,8 %
	Centar	0	0	-----	2	0	+ 2	12	15	- 3 ili 20 %
II PU	Novo Sarajevo	0	0	-----	0	0	-----	12	12	isto
III PU	Novi Grad	0	1	- 1	0	0	-----	11	14	- 3 ili 21,4 %
IV PU	Ilidža	0	1	- 1	1	3	- 2 ili 66,7 %	18	12	+ 6 ili 50 %
	Hadžići	0	0	-----	0	1	- 1	4	0	+ 4
	Trnovo	0	0	-----	0	0	-----	1	0	+ 1
V PU	Vogošća	1	0	+ 1	0	0	-----	10	9	+ 1 ili 11,1 %
	Ilijaš	0	0	-----	1	0	+ 1	2	4	- 2 ili 50 %
UKUPNO		1	2	- 1 ili 50 %	4	8	- 4 ili 50 %	72	77	- 5 ili 6,5 %

Starosna struktura lica povrijeđenih u saobraćajnim nezgodama je: od 31 do 40 godina – 14 lica, od 41 do 50 godina – 14 lica, od 25 do 30 godina – 13 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 582 nezgode u kojima je 46 lica nastradalo (jedno lice poginulo, 45 lica povrijeđeno), zatim na magistralnim putevima – 96 nezgoda u kojima su 22 lica povrijeđena, na lokalnim putevima – 59

<sup>5</sup> Od posljedica saobraćajne nezgode koja se dogodila 06.02. 2013. godine na raskrsnici ulica Igmanska i Akifa ef. Biserovića (općina Vogošća), u martu mjesecu je naknadno podlegla H. H. (67) – pješak.

nezgoda (šest lica povrijeđeno), na regionalnim putevima – 10 nezgoda (jedno lice povrijeđeno) i na putevima koji se ubrajaju u kategoriju ostalih – 29 saobraćajnih nezgoda (dva lica povrijeđena).

### 3.1. UZROCI SAOBRAĆAJNIH NEZGODA

Od ukupno 776 uzroka saobraćajnih nezgoda, 129 je bilo zbog neprilagodene brzine (jedno lice poginulo, 28 lica povrijeđeno), 15 zbog uticaja alkohola (šest lica povrijeđeno), dok uzroci za 632 saobraćajne nezgode spadaju u kategoriju ostalih (42 lica povrijeđena).

Evidentirano je šest saobraćajnih nezgoda (jedna manje), u kojima su učestvovali pripadnici MUP-a (pet saobraćajnih nezgoda u kojima su učestvovali pripadnici MUP-a Kantona Sarajevo i jedna nezgoda u kojoj je učestvovao pripadnik FMUP-a). U navedenim saobraćajnim nezgodama nije bilo nastradalih lica.

Evidentirana je 21 saobraćajna nezgoda (tri manje) u kojima su učestvovali inostrani vozači i sedam nezgoda (isto) u kojima su učestvovali vozači EUFOR-a i diplomatskog kora (bez nastradalih lica).

### 3.2. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec mart 2013 /2012. godine

	mart 2013/2012	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2013 2012	24.708 24.570	4.046 3.336	2.687 2.543	7.231 7.141	3.494 4.268	2.315 1.896	4.935 5.386
broj uručenih prekršajnih naloga	2013 2012	14.383 14.815	3.531 3.047	1.591 1.708	1.036 1.195	888 1.013	1.141 688	6.196 7.164
broj zahtjeva za p.p.p.	2013 2012	113 21	2 11	0 0	103 0	2 1	4 3	2 6
broj isključenih vozila iz saobraćaja zbog tehničke neispravnosti	2013 2012	26 77	4 3	2 7	3 0	0 0	0 16	17 51
broj vozača zatečenih da upravljaju vozilom pod dejstvom alkohola	2013 2012	507 622	129 198	100 66	39 30	15 25	59 79	165 224
broj vozača zatečenih da upravljaju vozilom bez korištenja sig. pojasa	2013 2012	1.005 1.098	93 103	248 240	48 35	131 234	180 141	305 345
broj vozača zatečenih da upravljaju vozilom bez položenog vozačkog ispita	2013 2012	179 236	29 63	38 38	14 14	22 15	15 16	61 90
broj vozača zatečenih da upravljaju vozilom pod izrečenom zaštitnom mj.	2013 2012	14 1	0 0	0 1	0 0	0 0	0 0	14 0
broj vozila otkrivenih da učestvuju u saobraćaju bez važeće registracije	2013 2012	187 220	31 42	17 24	26 24	19 19	21 12	73 99

Tokom mjeseca marta 2013. godine, kontrolisano je ukupno 24.708 vozila (138 više), 8.848 lica u vozilima (1.942 više), izvršen je pregled 663 vozila (215 više) i 593 lica u vozilima (86 više).

Zbog tehničke neispravnosti iz saobraćaja je isključeno 26 vozila (51 manje), 507 vozača je zatečeno da upravljaju vozilom pod dejstvom alkohola (115 manje), 1.005 bez korištenja sigurnosnog pojasa (93 manje), 179 bez položenog vozačkog ispita (57 manje), a 187 vozača je učestvovalo u saobraćaju bez važeće registracije (33 manje).

Zbog kršenja propisa iz oblasti sigurnosti saobraćaja uručena su 14.383 prekršajna naloga



vozačima (432 manje u odnosu na mart prošle godine) i podneseno 113 zahtjeva za pokretanje prekršajnog postupka (92 više). Evidentirano je 10 krivičnih djela zbog ugrožavanja sigurnosti javnog prometa (dva više).

#### 3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca marta 2013. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 5.439 prekršajnih naloga (1.329 više), upozoreno je 578 vozača (121 više), a specijalnim vozilom "pauk" premještena su 254 vozila (78 manje).

Najveći broj vozača koji su vozila nepropisno parkirali i prema kojima su preduzimate odgovarajuće mjere, evidentiran je na području općina: Stari Grad –1.719 uručenih prekršajnih naloga, Centar – 1.115.

U pogledu kontrole pješaka, uručeno je 129 prekršajnih naloga (22 više) i upozoren 161 pješak (71 više).

#### 4. ZAKONITOST U RADU

Tokom mjeseca marta 2013. godine, registrovano je pet napada na policijske službenike (tri više). Napadi su izvršeni na policijske službenike sljedećih PU: Druge PU – tri, Treće PU – jedan i Četvrte PU – jedan napad. U napadima je učestvovalo šest lica koja su lišena slobode, među kojima je jedan maloljetnik.

Policijski službenici su u sedam slučajeva opravdano upotrijebili silu (dva više):

- fizičku snagu i sredstva za vezivanje – šest puta  
Jedinica za saobraćaj – tri puta  
Druga PU (PS Novo Sarajevo) – dva puta  
Četvrta PU (PS Ilidža) - jednom
- fizičku snagu i policijsku palicu – jednom  
Jedinica za specijalističku podršku

Tokom mjeseca marta 2013. godine registrovana je 31 predstavka na rad službenika policije među kojima je za 12 predstavki (30 manje) data saglasnost za sprovođenje unutrašnjih istraga, a za 19 predstavki je donesen zaključak da su neosnovane.

Postupano je po 10 predstavki iz ranijeg perioda, tako da su razmatrane ukupno 22 predstavke (27 manje).

Okončane su tri unutrašnje istrage, među kojima su u dva slučaja predstavke osnovane, dok je u jednom slučaju predstavka neosnovana.

Takođe, uz saglasnost Ureda za pritužbe javnosti, postupano je po 24 razna akta koji nisu imali karakter predstavke.

#### 5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu martu ove godine evidentirano je 15 djela regulisanih ZONDINOM-om (četiri više)

počinjenih od strane 15 lica od kojih su četiri lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: šest pištolja, dvije puške, četiri ručne bombe, osam „noževa“, 338 komada municije raznog kalibra, itd.

U izvještajnom mjesecu fizičkim licima izdata su 82 odobrenja za nabavku vatrenog oružja (osam manje) i 77 oružnih listova (osam manje).

Takođe, tokom mjeseca marta organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije „ŽETVA 2013“ s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je sljedeće naoružanje:

- puške – dva komada
- ručne bombe – 13 kom.,
- mine, granate i sl. – četiri kom.,
- municija raznog kalibra - 281 komad, itd.

## **6. RAD POLICIJE U ZAJEDNICI**

U toku marta 2013. godine u okviru Rada policije u zajednici obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom mjesecu, izdvajamo sljedeće:

- Nastavljene su aktivnosti na realizaciji projekta „Sa policijom u kino“ čiji je realizator bila Uprava policije MUP-a Kantona Sarajevo, u saradnji sa predstavnicima filmskog i izdavačkog preduzeća „Tropic“ iz Zenice, kina „Cinema city“, te NATO-štaba Sarajevo. U okviru projekta vršena je edukacija učenika na teme „Put do škole može biti opasan“ i „Prevenција upotrebe pirotehničkih sredstava“.
- U sali Jedinice za specijalističku podršku je održano predavanje na temu „Rad policije u zajednici“, policijskim službenicima do čina mlađi inspektor.
- Ostvareni su kontakti sa Hasanom Begićem, inspektorom za maloljetničko prijestupništvo u vezi novoimenovanih kontakt osoba u policijskim stanicama radi poduzimanja edukacijskih i drugih preventivnih aktivnosti sa policajcima u zajednici oko maloljetničkog prijestupništva.

**MINISTAR**

**Dipl. pravnik Nermin Pećanac**